

Athör tueŋ cī Paulo gät Timothī

Wēt nhom

Timothī ē ye riēnythii cī gam pan yen Turkia ėmēn, wun ē raan Giriċ ku man ke ye nyan Itharel. Ee ye cath kek Paulo ku kony ē piöoc. Athör kēnē cī Paulo gät Timothī ē jam wēl kadiäk.

Athör acī jöök yöök piöoc lueth tēnē akut kōc cī gam, cī liäp nhom kek piöoc kōc Itharel ku kōc cie kōc Itharel. Piöoc kēnē aye luel lōn kāk pinynhom aa řec. Ku alēu raan bī kuōny yök ē ŋjny kāj cī moony ē rot, ku luōi ye ke mīith kōk theek ku cīi thiēk. Ku dēt ye kek rou tō athöör yic aya, ee piöoc määc akut kōc cī gam ku duör Nhialic kek tē bī bāny kōc cī gam ku jōl aa kōc ke kuōny aa rēer thīn. Ku kē ye kek diäk, Paulo ē Timothī wēt athör cök ciēn tē bī yen ya alony Jethu Krītho thīn, ku jōl a luōi muk ke lōŋ akuut juēc kōc cī gam.

Käk tō thīn

Muōth tueŋ	1:1-2
Piöoc rin akut kōc cī gam ku kōc mac ke.....	1:3-3:16
Piöoc tēnē Timothī rin luōide.....	4:1-6:21

1 Ee ŷen Paulo atuny ē Jethu Krītho cī Nhialic yen ŷo luök, ku Jethu Krītho yen ŋāthda lēk ba ya atuuc. ²Ee ŷen tuc athöör manh cīt manhdiē ayic cī wēt Nhialic gam cōl Timothī. Bī Nhialic Wāda ku Jethu Krītho Bānyda yīn a ŋuään ku yīk yī dhēēŋ ku döör.

Paulo acī Timothī lēk bī yenhom tiit piöoc ē lueth

³Wäär cieth ŷen ŷa la Mathedonia, yīn aca yöök ku ba rēer Epethuth, rin ba kōc kōc piöoc ē lueth yöök ku bīk cīi la tueŋ ke piöoc wēl lueth. ⁴Lēk ke bīk kōc anyikööl yekē ke luel akōlaköl. Ku jōl aa rin juēc wärkendit kōc, ee rin ye kōc rēer ke teer röt ē path, acin kē yekē juak kāk cī Nhialic guiir yiic. Rin wēt Nhialic aye ŋic tē cī raan gam. ⁵Wēt lēk yī ē rin nhiēr bēn ke ŋic puōn path, ku gam ē yic. ⁶Kōc kōk aa cī kenhīim wel roor ku yekē jam wēl cīn kē kony kōc thīn. ⁷Awickē ku bīk

1:2 Luōi 16:1

kɔc piɔɔc lɔɔŋ Nhialic, ku keek acie wɛlken yekɛ lueel ɛ deet yiic, wɛl yekɛ ke lueel ke cĭ kepuɔth tɔɔŋ.

⁸Aŋicku yen lɔn puɔth lɔŋ tɛ ŋic ye muk nhom apath. ⁹Aŋicku aya, lɔn lɔŋ acie looi rin kɔc path. Aye bɛɛi bei rin kɔc rɛc. Ku aa kɔc lɔŋ dhɔl yic, ku kɔc cĭ wɛt Nhialic dhɔl yic. Ku kɔc kɛrec looi, ku kɔc cie Nhialic ye rɔɔk ku cĭk thek. Ku rin kɔc ɛ kɔc ke dhiɛth ke nɔk. Ku rin kɔc kɔc nɔk. ¹⁰Ku tɛnɛ kɔc la gup akɔr ku kɔc kɔk ke lɔɔm rɔɔr kɔk cĭt ke. Ku kɔc kɔc yaac, ku alueth, ku kɔc ɛ lueth lueel cɔk aa lɔn kuɛɛŋ ke, ku jɔl a kɛriɛc ɛbɛn cĭi thɛɛny kek yith ye piɔɔc. ¹¹Ku piɔɔc puɔth kɛnɛ athɔŋ kek Wɛt Puɔth Yam path apei bɔ tɛnɛ Nhialic la dɔc, ku ɛ yen acĭ thɔn ya ba piɔɔc.

Dhɛɛŋ Bɛny tɛnɛ Paulo

¹²Jethu Krĭtho Bɛnyda aba leec rin cĭ yen ya yiɛk riel. Ku ŋɔɔth yapuɔu ku looi ya ba luɔide looi. ¹³Cɔk alɔn cĭ yen ke kuɔc aa jam wɛthɛer rin Jethu, ku ca kɔc cɔl agum. Ku ya kɔk kɔk looi, ke yen acĭ Nhialic nyuɔth lier piɛnde, rin yen acĭ luui ke cĭn kɛn ɛ ŋiec. Ku yen a ya kɛc wɛt Nhialic gam. ¹⁴Ku Bɛnyda acĭ yiɛk dhɛɛŋden dĭt apei kek nhiɛr, ku gam kɔk tɔ ɛ tɔk kek Jethu Krĭtho.

¹⁵Wɛt yic yen lɛu ba lueel, ku alɛu bĭ gam akĭn, Jethu Krĭtho acĭ bɛn pinynhom ku bĭ kɔc kɛrec looi bɛn luɔk. Ku yen, ee yen raan wat kɔc rɛc nhĭim. ¹⁶Ku Nhialic alir puɔu tɛnɛ ya, ku ɛ rin ɛ wɛt kɛnɛ yen acĭ Jethu Krĭtho ya nyuɔth lier piɛnde dĭt apei, rin bĭ ya yen ye ke raan kɛrec looi apeidit nyuɔth thĭn. Ku bĭ ya thɔŋ kɔc bĭ wɛtde gam akɔldɔ ku yɔkkɛ pĭr akɔlriɛc ɛbɛn. ¹⁷Tɛnɛ Nhialic Madhɔl Bɛny mɛc akɔlriɛc cie tiŋ, Nhialic tɔk ye theek ku lec akɔlriɛc ɛbɛn. Yenakan.

Paulo acĭ Timothĭ yɔɔk ku bĭ yepuɔu dɛet

¹⁸Timothĭ, wɛndiɛ, yĭn aba thɔn kɛnɛ ku bĭ wɛl cĭ lueel rienku thɛer rɔt tiɛɛŋ, rin na buɔth keyiic ke yĭn abĭ luɔidu ŋiec looi, ¹⁹tɛ muk yĭn gamdu apath ke ŋic puɔn path. Kɔc kɔk aa kɛc wɛl cĭ thɔn ke muk nhĭim ku aacĭ gamden rac. ²⁰Kam ɛ kɔckɔ aa yĭ Yɛminaithe ku jɔl aa Alekdhɛndɛr, kɔc kek ca thɔn jɔŋrac ku bĭ ke piɔɔc bĭk Nhialic cĭi ben dhɔl.

Tɛ bĭ kɔc aa rɔɔk thĭn

2 Tueŋ, yĭn ayɔɔk bɔk aa rɔɔk ku yakɛ Nhialic thiɛc. Ku yakɛ rɔɔk rin kɔc kɔk ku lɛckɛ rin raan ɛbɛn, ²cĭmɛn bɛnyŋaknhĭim, ku kɔc kɔk tɔ riel kecin. Ku buk pĭr ke yo dɔɔr ke cĭn akɛɛk kam kɔc. Ku yeku

kac tōk kek Nhialic ku cĭnku gup acuɔl. ³Kēnē ē kēpath ku ē Nhialic cɔl amit puɔu, ⁴yen wĭc raan ēbēn bĭ poth kērac yic ku bĭk wēt yic ŋic. ⁵Nhialic ē tōk ku jɔl aa raan tōŋ dōōr kɔc ke Nhialic, Jethu Krĭtho, ⁶yen cĭ rot gam bĭ nōk bĭ kɔc ēbēn waar, ku wēt kēnē acĭ nyuɔɔth akōl cĭ lɔc. ⁷Ku rin ē wēt kēnē yen acĭ ʒa kuany, ke ʒa atuuc ku ya raan piōōc tēnē kɔc cie kɔc Itharel, ku ba gam ē yic luɛɛl. Yen acĭi lueth luɛl, ee yic yen aluɛɛl.

⁸Yen awĭc rōōr wuɔōt thok ēbēn, ku bĭk kecin taar nhial ke rōōk tēnē Nhialic, ke cĭn riāāk ē puɔu, ku agōth.

⁹Yen awĭc diāār bĭk aa cieŋ alēth path. Ku cĭkkē kenhĭim ye nai dhōl tuut kek kɔc. Ku cĭk ye cieŋ mĭlāŋ tōc ku alēth ku guēt kōk ye ʒɔc wēū juēc apei. ¹⁰Ku keek aa dhil rōt cɔl adhēŋ kăpuōth yekē ke looi, kāk ye diāār cĭ gam looi bĭk Nhialic aa door.

¹¹Tik adhĭl piōc lier guōp ku ye wēt cĭ lēk ye gam. ¹²Tik acā ye puōl ku bĭ ya piōōc tēdē ke la riel tēnē rōōr, aadhil rēer ke lir gup. ¹³Rin Adam yen ē kōŋ cak, ku jɔl Eba ben cak. ¹⁴Ee cie Adam yen cĭ wēŋ nyin ē ye tik yen ēcĭ wet nyin, ku cĭi lōŋ Nhialic thek. ¹⁵Ku diāār aabĭ kony ku luāk keek dhiēnh mĭth yiic, tē le kek tueŋ keye kɔc cĭ gam, ku nhiēr kepuōth, ku yekē kɔc ē luui kăpath dhēl athēēk.

Bāny akut kɔc cĭ gam

3 Ku wēt yic cĭn yic lueth akĭn, na le raan wĭc ye ku bĭ ya bēny kɔc cĭ gam, ke luoi path nhiaar. ²Bēny adhĭl a raan cĭn kēreec ye looi. Yeen adhĭl la tieŋ tōk, cĭ gam puɔu ēbēn. Ku alir guōp ku cĭi kăŋ ye bāth ku athek yeguōp. Ku ē kɔc bēn tēnē ye ŋiec lor. Ku alēu ku bĭ kɔc piōōc. ³Yeen acie raan ē wiɛt ē māū, tēdē keye raan ē tōŋ. Adhĭl a raan ŋic cieŋ ke kɔc. Ku acie raan nhiar wēū apei. ⁴Adhĭl paande ŋiec mac apath bĭ miēthke cɔl athek ye, ku yekē wētde piŋ. ⁵Na kuc raan paande mac, ke lēu kēdē ku bĭ kɔc cĭ Nhialic gam ŋiec aa guiir? ⁶Yen adhĭl a raan cĭ nhom bak ē gam yic rin ku bĭ cĭi nhiam bĭ luōk wei aya cĭmēn jōŋrac. ⁷Ku yeen adhĭl a raan ye kɔc kēc gam ŋiec jam rienke, rin bĭ cĭi wāi wĭn jōŋrac bĭ guōp yār.

Kɔc kɔc kony luoi kāk Nhialic

⁸Kɔc kɔc kony luoi kāk Nhialic aa dhil aa kɔc path thek cĭn kē yekē moony. Keek aacie kɔc dek mōu apei, tēdē keye kɔc kok wēū. ⁹Keek aa dhil gam cĭ nyuōth ke muk kepuōth, ku mukē puōn yer. ¹⁰Keek aa dhil them tueŋ, ku na cĭk ŋiec luui, ka jɔl puōl bĭk kɔc aa kony luoi. ¹¹Diāārken aya aa dhil gup la athēēk ku cĭk ē luum kɔc tōr gup, keek

aa dhil aa kɔc lir gup, ku aacie kɔc ye ruëny këriëc ëbën yic. ¹²Raan kɔc kony luɔi kāk Nhialic adhil la tiŋ tōŋ cī gam puɔu ëbën, ku adhil miëthke ku paande ŋiec mac apath. ¹³Kɔc kek kɔc kony luɔi, ku aa luɔiden ŋiec looi, aaye theek, ku alëukë bik aa jam kɔc nhīim ke cīn riöc guɔp. Ku pīrkë gamden yic tënë Jethu Krītho.

Këril nyuɔɔth

¹⁴Cimën gët ɣen athör kënë tënë we, aya ŋöɔth wek aba la tiŋ. ¹⁵Ku na le kë gōu ɣa, ke athör kënë abī we cɔl aŋic tē lëu bī wek kāk akut cī gam aa luɔi thīn, ku yen akut kɔc cī gam ë Nhialic pīr, yen ë mën yen yic kuɔny.

¹⁶Acīn raan lëu bī kë cī nyuɔɔth, këdan thekku ë yic, jai.

Yeen acī nyuɔɔth ke ye raan.

Acī Wëi Nhialic nyuɔɔth lɔn ee yen raan la cök.

Ku acī atuuc nhial tiŋ,

ku lëk wuɔɔt ëbën.

Ku kɔc pinynhom aaci bën la gam tënë yeen,

ku acī ɣäth nhial pan Nhialic.

Kɔc piöc aa wëŋ

4 Aye Wëi Nhialic lueel ë ɣei lɔn kɔc kök aabi gamden cīi ben aa theek aköldä. Keek aabi kāk bī jakrec ke aa wëŋ nyīn aa gam, ku buɔthkë piöc jakrec yic. ²Piöc cīt ë kënë aye thiäi piny kɔc aa lueth kɔc wëŋ, kɔc cīn kë ŋic piäthken. ³Kɔc cīt kakkä, aa kɔc yöök ka awuöc ku bī raan thiëk, ku ciem miith kök yekë tak ka rec. Ku yen Nhialic acī miithkä cak ku bī kɔc cī gam ŋic yic keek aa cam tē cī kek kaŋ röök. ⁴Kuat këriëc ëbën cī Nhialic cak apath, acīn kë lëu bī kɔc kuec, ku yen këriëc ëbën aye cam ku röök kɔc bī Nhialic leec, ⁵rin wët Nhialic ku röök ë miëth cɔl apath.

Aluaŋ Jethu Krītho

⁶Tē piöc yīn wëlkä tënë miëthakua, ke yīn abī ya raan luɔi path ë Jethu Krītho cī ŋiec muk ë dhöl gam yith ku piöc path ca buɔth yic. ⁷Ku mæc rot wei anyikööl cie yith ë Nhialic, anyikööl cīn wëtten yic cīi path bī ke aa lëk kɔc. Lui apeī ba rot piöc ba pīr cīt tē wīc Nhialic ye thīn. ⁸Luɔi ye raan looi ë guɔp muk bī riel apath, ku luɔi ye yīn rot piöc ba pīr cīt tē wīc Nhialic ye thīn aŋuëŋn apeī, rin ala kë ye ŋöɔth thīn pīr ëmën yic, ku pīr pan Nhialic aköldä. ⁹Ku yic yen lëu ba lueel bī gam akīn. ¹⁰Yok aabi buöc ku luuiku apeī, rin yok aa ŋöth Nhialic pīr, yen raan ëbën kony, ku tueŋ aa kɔc cī wëtde gam.

¹¹Yakē kɔc yōök ku piōöckē ke ē kăkkă. ¹²Duōkkē kɔc cɔl aaye we dhöl gup rin koor wek. Ku luoiķē röt bĭ kɔc cĭ gam röt aa thōŋ we ē jamdun yic, ku piērdun ku nhiērdun ku gamdun ku lɔn cĭn wek gup ajuēēc. ¹³Agut tē bĭ ŋen bēn, yakē wēl cĭ gōt athör Nhialic yic kuēn kɔc. Ku yakē kɔc lēk ku piōöckē ke. ¹⁴Duk yĭpuōu wel wei kē cĭ yiēk yĭ yic ē rot, kēwäär ca yök dhēl cĭ Nhialic lēk kɔc ē rienku wäär tēēu kɔcdit akut, kɔc cĭ gam kecin yĭnhom.

¹⁵Tääu yĭpuōu piny apath ba kăk Nhialic ŋiec looi, ku bĭ raan ēbēn luoidu tiŋ tē le yen tueŋ thiin. ¹⁶Tiŋ piērdu cök ku kăk ye piōöc apath. Deet wētdu yic apath, rin na loi kēya ka bĭ yĭ luōk ku kɔc wēlku piŋ aya.

Kăk loi tēnē kɔc cĭ gam


5 Duōkkē raandit ye kuōc jāām, yakē jāām dhēl athēēk cĭmēn wuurdun. Yakē riēnythii ŋiec jāām apath cĭmēn miēthakun, ²ku yakē diāardit jāām kecit märkun, ku diāärkor kecit nyiērakun ke we cĭn puōth akuēeth.

³Thekkē lēer cĭn nhĭim kɔc ke kony. ⁴Ku na la lēer mĭth, tēdē ke ye mĭth miēthke, ke keek aa dhilkē kaŋ nyuōōth lɔn cĭ kek gam ē dhöl muk kek kɔc manyden thok thiin. Ku kēya aabi kɔc ke dhiēth ke, wärken dit ku märken dit riōp rin wäär muk kek ke. Ku kēnē yen ē Nhialic cɔl amit puōu. ⁵Lēer rēer ē rot ke cĭn raan muk ye ayic ē Nhialic ŋōōth, ku ye rōök wēer ku aköl, ke ye Nhialic thiēēc ku bĭ ye kony. ⁶Ku lēer ye yiēk yepuōu miet puōu ē rot, acit raan cĭ thou cɔk alɔn ŋuōt piir yen. ⁷Lēkkē kɔckun cĭ gam ē wēlkă aya, rin ku bĭ ciēn raan gāk ke. ⁸Ku na le raan ciĭ kɔc ruāāi kek ye muk, nadē ke ye manyde thok, ka cĭ kuc ē gam, ku raan cĭn gam aŋuēēn tēnē ye.

⁹Acĭn lēr met akut lēer yic tē kēc ruōnke thiārdātem waan thok. Ku ē ye tiŋ path tēnē muōnyde. ¹⁰Ku aye ŋic rin wēt kăpuōth ye looi, cĭmēn lɔn ŋic yen mĭth muk, ku ē kɔc gōōŋ apath, ku ē kɔc cĭ Nhialic gam luōi kăpath, ku ye kɔc la kē jör ke kony, ku ye cool luoi kuat kēriēēc ēbēn path.

¹¹Duōkkē lēer kor ye mat akut lēer yiic, rin na lek rōör tak, ka cɔl röt athiak, ku cik kepuōth ben yiēk wēt Raan cĭ lɔc ku dɔc. ¹²Ku kēya, ka că awuōc looi ē rin cĭ kek athōn wäär bĭk aa looi thoŋ kōu. ¹³Keek aya aabi piōc rēer piiny ē path ku yekē bēēi kuany yiic, ku dēt rac aya, keek aabi aa kɔc alop jɔt ku yekē luup wēl ciĭ path. ¹⁴Ke yeen aya tak lɔn puōth yen bĭ lēer kor aa thiaak, ku bĭk la mĭth, ku mackē bāāiken apath, rin bĭ raan aterda dhēl ciĭ yök bĭ ke aa jāām wēl rɔc kegup. ¹⁵Lēer kōk emēn aaci jai wēt Jethu ku keek aaci jōŋrac buōōth cök.

¹⁶Ku na le tiŋ cĭ gam tō lēer manyden thok, ka dhilke muk apath, ku ciĭ ke pēl akut kɔc cĭ gam bĭ ya yen muk ke, rin bĭ akut kɔc cĭ gam yēnhom yiēk muōök lēer cĭn nhĭim kɔc muk ke.



Duk muɔr der thok tē luui yīn ye bī rap kōōm (5:18)

¹⁷Bāny luɔi akut kɔc cī gam looi apath aaye theek ku riɔp ke, rin ye kek kɔc ē luui apei, kɔc kek kɔc lēk wēt Nhialic ku yekē kɔc piōōc. ¹⁸Aye athōr theer wēl Nhialic lueel, “Duk muɔr der thok tē luui yīn ye bī rap kōōm.” Ku kēya, “Raan ē luɔi adhil yiēk ariōpde.”^a

¹⁹Duōkkē wēt gɔɔny raandit ye gam tē cī yen kɔc karou ku diāk kek gɔɔny yen. ²⁰Tē le yen kɔc cī kērac looi ka dhil nyieeny kɔc nhīim, rin ku bī kɔc kōk kēcīt ē kēnē cīi ben looi.

²¹Wek ayōōk Nhialic nhom, ku Jethu Krītho ku jɔl atuuc cī Nhialic lɔc, thekkē wēlkā ke we cīi kɔc ye tek yiic bī la raan dēt yakē ŋuāān kuat kē luɔikē yic.

²²Duōkkē ye lɔc yen lɔn kueny wek raan bī Nhialic luōōi. Duōkkē rōt mat luɔi kārec yiic, rēērē ke we lip gup.

²³Duōkkē piū ye dek kepēc, yakē muōn thin-nyɔɔt dek, ku bī we kony bī thiōōr we cīi ye lac piāār yiic.

²⁴Kārec ye kɔc kōk looi aa la gei kɔc nyīn, ku aake wat nhīim ē luk yic, ku kɔc kōk aaye kāracken cīk thiaan jāl ŋic ciēēn. ²⁵Ku ē dhōl tōōŋ kēnē, kāpuōth ye raan looi aa cie muɔɔny, ku kāpuōth kōk cī thiaan aabi ŋic akōldā.

6 Aloony ēbēn aa dhil luui apei, ku yekē bānyken theek apei, rin bī ciēn raan kuc jam rin Nhialic, ku jɔl aa piōōc ye yōk kɔc piōōc. ²Aloony kɔc cī gam acīk lēu ku bīk kɔcken cī ke loony dhōl gup, rin keek aa wāmāthakēn. Kē lēukē bīk looi ē lɔn bīk luɔiden aa looi apath, rin kɔc la kē yekē yōk luɔi yic, aa kɔc cī gam nhiarkē ke. Aa kek kāk lēukē bāk ke piōōc tēnē kɔc, ku yakē ke dēt puōth bīk ke theek.

^a5:18 L.rou 25:4; Mt 10:10; Lk 10:7 (aliu ciēŋ Jiēŋ yic) 5:19 L.rou 17:6; 19:15

Piöoc ë yic ku piöoc ë lueth

³Raan piöoc wët dët cie kën ë Nhialic ku aciĩ thöŋ kek wël Bányda Jethu Kritho ku jəl aa piöocda rin Nhialic, ⁴ke yeen anëk nhiam wei ku acin kë ŋic. Yeen ala kë wic cie thök yepuöu bi rot aa tær ku göth ke kóc wël cie yith, ku kënë ë tiæl bëëi ku këëk kóc, ku lëët kóc röt, ku biĩ diu rac kam kóc, ⁵ku kóc cın nhĩim aa röt cool ë teer ku acin yiny tö ke ke. Ayekë tak lın yath ë dhël kóc cəl ajak.

⁶Ee këya, yanh la cök ë raan cəl ajak apei, tē cı yen kāk tö ke ye gam piände ebën. ⁷Rin yook acin kë cuk bëëi pinynhom, ku ka cın dët lëuku buk nyaai thın. ⁸Na lok kë camku ku kë ceŋku ka cın dët yikku yopuöth. ⁹Kóc ye wic bik jak, aaye piäthken thel käreç yiic, ku keek aa wëi kāk kuckë ku käreç ye piäthken nhiaar, kāk ke thel riääk yic ku rēc ke. ¹⁰Rin ku bi raan jıeek nhiaar, ee kóc miæt kuat kākjuęc rēc yiic. Kóc kök aaci kepuöth yiëk jıeek apei agut bik nhĩim määř ë gam, ku keek aaci kājuęc ŋöŋŋ ë nyin bëëi kepuöth.

Timothĩ aci nyuöth luicide

¹¹Ku yin raan Nhialic mæc rot wei luçi käreç yiic, ku ye dhöl la cök yen muk cök. Ku ye luui kāk Nhialic ke yĩ ŋöth Jethu ku ye kóc nhiaar, ku ye gum, ku ye raan ŋic cieŋ ke kóc. ¹²Thär kë yeku gam apath, ku muk pır akölrıeęc yen ë cəl Nhialic yĩ apath aya, këwäär ca gam ba lueel thuŋdu kóc juęc nhĩim. ¹³Nhialic nhom, yen wëi yiëk keriëęc ebën, ku Jethu Kritho, yen cı ye lueel gai wäär Pilato nhom, yin aya yöök, ¹⁴muk lööŋkä nhĩim apath ke cın kë wäär yet aköl bi Bányda Jethu Kritho ben bën. ¹⁵Lın bi yen ben bën abi rot looi aköl cı Nhialic tak yen raan cı döc, ku yen Bënyŋaknhom yetök, yen Bënyŋaknhom tö tueŋ bányŋaknhĩim, ku ye Bëny bány. ¹⁶Ee yeen yetök yen acie thou, ku yen aciëŋ ruel yic, ruel cın raan rot thiäk ye. Acin raan cıi ye kaŋ tiŋ, ku acin raan lëu ku bi ye tiŋ. Yen aaye theek, ku ala riöldit tet akölrıeęc ebën. Yenakan.

¹⁷Yöök kóc cı jak kāk piir pinynhom bik cıi nhiam, ku cik ŋäthden tēü kāk cie yith yiic cimën jıeek, ku ye Nhialic yen ŋöthkë, Nhialic cı yo yiëk keriëęc ebën ë biökruaalde ku buk puöth miet. ¹⁸Yöök ke bik kápath aa looi, bik aa abiökruæel, ku dhilkë kākken aa röm kek kóc kök. ¹⁹Këya, keek abi jıeek la cök tööu ë rienken pan Nhialic. Ku ë yen abi ya keriil diit bi ke cök piny aköldä. Ku yen abi kek piir la cök yök. ²⁰Yin Timothĩ muk kë cı kuëi yĩ apath. Mæc rot wei ë jam rac cıi thiääk ke Nhialic yic, ku ater cın yic kë kuany ye kóc kök yĩin jööny ë lueth ku luelkë ke ŋiëęc ë kaŋ. ²¹Rin aye kóc kök lueel lın ŋic kek kaŋ, ku ë tēënë, keek aci mër wei dhöl gam yic.

Dhëëŋ Nhialic abi rëer ke we ebën.